

Ny Valosoa sy hadihady

Làlana sy lalàna ; fitokanana sy fitokonana

Manakoako manerana ny Nosy, eny fa na tany ivelany tany aza tato ho ato, araka ny hitan'ny fikambanambe Eôrôpena ireny hoe: làlana sy lalàna, fitokanana sy fitokonana, izay maneho ny tsy fahaiza-mitantana ataon-dRajoelina sy ny ekipany, hoy ireo olona maro sendra ny gazety, satria ny fitokanana foana no mahamaika sy deraderain'izy ireo, fa ilay fahasahirana mahazo ny mahantra ety ambany tsy hitan'izy ireo, izy ireo ao ambony tsara toerana nefa tsy ampy fahazara-miaina, tsy mahatsapa fiainan-tsarotra, tsy ampy fandalinana ity firenena mahantra ity.

Làlana nanaovana fanamby toy ny RN 13, no atao antsoantso amin'ny kabary izay tanterahina, nefa ny làlana eto an-drenivohitra mikorontana tsy mifanaraka amin'ny mety sy sahaza, fa dia ataotao fotsiny eny hatrany, ka mahatonga ireo mpamily hilaza hoe: eny ambony birao ry zalahy no mandrafitra izay tiany, fa tsy mitondra fiara mifamezivezy toy ny rehetra dia milaza fa ara-dalàna. Ny lalàna indray dia petatoko avokoa hoy ireo be antitra efa mpisotro ronono sendra anay, satria vao vita ny tsy rariny taona 2009, dia fifidianana tsy ara-drariny no natao taona 2010, ka na karinem-pokontany aza dia nety tamin'izany fotoana, nandaniana ilay lalampanorena tsy rariny, ahitana lalam-pifidianana tsy marim-pototra, governora sada-

sada, CENI manala baraka amin'ny hala-bato sy ny sisa... Entina handrafetana fotsiny ihany ny isa 13, toy ny laharana tamin'ny fifidianana ho filoham-pirenena, ny velirano 13, ny làlam-pirenena 13, ary indrindra koa izay 13 taona tsy rariny izay. Maika ilay Filoha Boaikely amin'ny fitokanana nefa ireo fitokonana etsy sy eroa tsy tazany akory, na tsy raharahiany. Tsy mpianatra teny amin'ny Anjerimanontolo izy, ka tsy mahatsapa ny zava-manjo ireo mpianatra, hoy ireo mpampianatra, mpiasan'ny Oniversite, mpianatra, sy ireo mpitsabo mpanampy ary koa ireo mpiasam-panjakana maro efa tsy hay afenina amin'ny rehetra, nefa dia hodian-tsy hita avokoa. Ireo fitokanana ireny ve maha-sarona izao laharana maha-menatra eran-tany misy antsika izao? Faha-5 any amin'ny gisitira, nefa dia anaovana fandanium-bolabe isaky ny fitokanana izay atao, izay mazava fa fitadiavam-boninahitra ho an'ny filoha sy ireo mpiara-miombon'antoka aminy fotsiny ihany, nefa tsy mahalala izay laharam-pahamehana ho an'ny vahoaka tantaniny. Aiza ilay hoe: manara-penitra raha io lohateny io fotsiny no fintinina, lalàna sy làlana efa ambony ambany, fitokonana sy fitokanana efa mankadilo sofina, tsy tambo isaina intsony. Tsy voavahan-dRajoelina sy ny forongony aloha hatreto.

Beharo

TIM FRANTSA

Miasa hampandresy ny filoha Ravalomanana amin'ny fifidianana

Nanatanteraka famelabelarana arahina ady hevitra tany Paris Frantsa, nantsoina hoe: Tim Talk, ny sabotsy teo ny antoko Tiako i Madagasikara any Frantsa, na TIM Frantsa. Nanehoan'izy ireo ny fahitany ny raharaham-pirenena eto amintsika amin'izao fotoana, izay tsy mandeha amin'ny laoniny. Na any an-tany lavitra any aza izy ireo dia mahita sy mahatsapa ny fahasahiranana iainan'ny ankamaroan'ny vahoaka Malagasy ankehitriny, noho ny tsy fahaiza-mitantan'ny fitondrana Rajoelina: tsy mijery izay tena mahasoana ny vahoaka, fa variana amin'ny rendrarendra sy rentirenty tsy mitondra soa ho an'ny sarambambahoaka. Saraman'ny nisongadina tamin'ny fandraisam-pitenenan'ireo



Ireo anisan'ny nandray anjara tamin'ny TIM Talk, natao tany Paris ny sabotsy teo.

mpandray anjara, izay nahitana ny TIM Frantsa, ny Vehivavy TIM Frantsa, ny Tanora TIM Frantsa, fa miasa ireo rantsana samihafa ireo, hampandresy

ny filoha Marc Ravalomanana amin'ny fifidianana filohampirenena ho avy hatao ny Madagasikara. Mbola manentana koa izy ireo, ireo diaspora any

amin'ny toeran-kafa, hanatevina azy ireo amin'izany asa masina ho fanavotam-pirenena izany.

Isambilo

Ministeran'ny raharaham-bahiny

Misy ireo fepetra maromaro ho an'ireo Malagasy hiasa any an-dafy

Misy ny fanambarana avy amin'ny ministeran'ny raharaham-bahiny, ho an'ireo Malagasy hiasa amin'ny sehatra samy hafa any ivelany: Ho fandrindrana ny fivezivezen'ireo mpila ravin'ahitra any ivelany: mpiasa manana andraikitra ambony, mpiasa tsotra, mpiasa an-trano, tanora tovovavy mpanampy, sy ireo mpiasa mpifindra monina mikasa handao ny tanin'ny Malagasy, Ny Minisiteran'ny Raharaham-bahiny dia mampa-

hafantatra ny besinimaro ny tsy maintsy hanarahana ireto dingana manaraka ireto :
- Maka ny fahazoan-dalana (visa), nosoniavin'ny tompon'andraikitra avy amin'ny Masoivohon'i Madagasikara any amin'ny tany haleha mialoha ny hanatanterahana ny fifanarahana arak'asa ;
- Mandalo any amin'ny Minisiteran'ny Filaminambahoaka hanaovana fanadihadiana momba ny fitondran-tena sy fandinihana ny zava-misy;

- Mampandalo ny fifanarahana momba ny asa any amin'ny Minisiteran'ny Asa, ny Asam-panjakana ary ny Lalàna sôsialy, hahazoana ny fanakatoavana izany ;
- Mampandalo ny fifanarahana momba ny asa sy ny tapakilan'ny fiaramanidina, any amin'ny Fitaleavana miahy ny Malagasy am-pielezana ao amin'ny Minisiteran'ny Raharaham-bahiny ;
- Manatanteraka mialoha ny fisoratana anarana kaonsilary any amin'ny Fi-

taleavana miahy ny Malagasy am-pielezana, ao amin'ny Minisiteran'ny Raharaham-bahiny ; Ampahatsiahivina etoana fa tsy maintsy vita 15 andro mialohan'ny hiainana ireo dingana rehetra voalaza ireo. Noraisina izany fepetra izany mba hiarovana azy ireo amin'ny fanondranana olona an-tsokosoko miantraika amin'ny filaminan'ny Firenena, hoy ihany ny fanambarana.

Nangonin'i Niaina

facebook **NY VALOSOA**
Gazety misoho intelo isan-kerinandro
(Talata - Alahaminy - Sabotsy) VAOVAC

Andohan'Analakely-Ambohijatovo Tsy milamina ny fifamoivoizana, tamin'ny 7 ora maraina dia efa nanomboka ny fitohanana

Gazety Valosoa Rakoto : tsy milamina ny fifamoivoizana etsy Ambohidaha, Andohan'Analakely, Ambohijatovo, tamin'ny 7 ora maraina dia efa nitohana ny fifamoivoizana omy.



Ranoux Ramaholy: rond point miandry teleferika angamba e!
Fix Ntsoavina: aleo tazanina e. Toa tsy mahomby ny fandaminan'i Vazahabe sy ny akipany!

Haja Biomed: ho averiny amin taloha foana io rehefa mapméo!

Ikala Pakerety : efa nampozina io fa aleo andeha e ! Zany ny hevitra ny manam-pahaizana eto amintsika.

Laurette Ampisafy Mafoaka: efa omy alahady anie io no nampiharina e!

Arphine Rahelisoa Helisoa : gravy fa amin'ny 7 ora maraina dia ambotaka beeeee! Vao maika manakorontana ilay fandaminan'ny CUA.

Ernest Rakotovololona : gravy be e ! alahady avy misy ambotaka.

Rencho Mihari-ni: aiza ko alahady vitsy fiara mandeha no anaovana fanandramana avy eo dia lazaina hoe TENA METY. Asa mba manampahaizana sy teknisianina nianatra taiza no manaiky izany?

Sarah Lina Lucie Lalaoarisoa: mahareta rahavavy fa mbola ho avy Jesusy hanavaka ny ondry sy ny osy o!

Patrice Ratsimbason : tokony nanao modélisation tamin'ny ordinatera !

Caël Mbola Randri : ye efa nataony d asa zay hiseho fa vato mibahan-dalana d gaga enw! TSY HITAKO ALOU ZAY MAHATSAR'AZY FA BE KORONTANA BE TSS !

Romel Mahafake: zay vao tena very zahay tambanivolo, tsy hahita ze bi sy bà am ty lalana vaovao ao Antananarivo ty, réf hitondra fiara, ho ataon'ny polisy fiamboly!

Flavien Rakotonarivo : mila fahaizana manokana ny gestion flux file d'attente en zone urbaine. Ity vao maika halavaina ny lalana! Tsy milamina e !

Rinasoa Ratovoarinjaka : EFE MIREDIREDY SISA RY VAZAHABE SY RY RAJOELINA SY NY FORONGONY.

Zo Rajaonasimanana : ry tampom-pahaizana isany !

Antsa Andrianarilala : io anie hoa resaka mandany jiro, fa zavatra ts hahava n'inon'ino na e !

TONONKALO

Efa feno ireo fepetra

Efa feno ireo fepetra entina mba hilazana Fa tsy misy fahombiazana ny ao anaty fitondrana. Telo taona izay no lasa, jiro hatreto tapa-dava. Tsisy ny fihatsarana fa nidify ny mazava.

Rano koa torak'izany , raha ny antoandro tsy afa-maka, Fa dia tena sasak'alina , izay vao afaka mantsaka. Amin'izany indrindra anefa ny halatra no toa mibahana, Fa mahantra ny vahoaka ka mihabe ny fanendahana !

Efa feno ireo fepetra entina mba hitsarana Sy hanomezana "aotra roa" ny ao anaty fitondrana. Raha ny "lainga" kosa anefa dia mampiaky ny tontolo, F'amin'izay taranja izay dia azony ny "roapolo".

Ho azy dia ny serasera no amboamboarina ho raitra. Ny olony ao anefa , indrisky, efa tsy mba mahataitra. Loza raha hivadibadika , ampangain'ny lela mainy. (Efa olona lian'ady ka ny mihavana tsy hainy !)

Efa feno ireo fepetra entina hanaporofaona Fa tsy adala ny vahoaka na koa be fanadinoana. Tena samy nahatsiaro irony fitaka sy vandy, Izay natao angoatenda tamin'ny propagandy !

Ka ny fomba tsara indrindra dia izay hoentina hanesorana Sy hanalana hatramin'ny fakany ireo ekipam-pozaoarana. Tsy amin-kery anefa izany , (miomàna dieny anio) , Fa amin'ny tena fifidianana , marina ary koa madio !

TSIMIMALO (22-05-22)